



Posbus 7113, Newtonpark, 6055  
Telefoon (041) 3651233  
h/v Willetstraat en 4de Laan, Newtonpark, 6045  
E-pos: admin@lnpark.co.za /

*'n Blink toekoms begin hier!*

# NUUSBRIEF 1

## 19 Januarie 2024

---

### UIT DIE KANTOOR

Geagte Ouers

Baie welkom terug aan almal. Dit is wonderlik dat ons as Newtonparkfamilie na so 'n lang vakansie kan terugkom sonder ernstige voorvalle (waarvan ek weet). Ek vertrou dat almal lekker gerus het en glo dat julle reg is vir die uitdagings van 2024. Mag die Hemelse Vader met ons almal gedurende hierdie jaar.

#### **WELKOM AAN ALLE NUWE OUERS**

Baie welkom aan al die nuwe Newtonparkgesinne. Ons vertrou dat u en u kind(ers) gou by ons sal tuis voel. Raak asseblief betrokke by die aktiwiteite. Ons sien daarna uit om u eerskomende Maandagaand by die inligtingsvergadering te verwelkom.

#### **NUWE ONDERWYSERS**

Ons wil die nuwe onderwyseres asook onderwys-internskap by die skool verwelkom. Ons hoop dat julle werklik gelukkig by Laerskool Newtonpark sal wees.

Graad 4M: Mej. Veronica de Lange (aflos in Mev. Müller se plek)  
Internskap: Mnr. Werner Britz

#### **INLIGTINGSAAND MAANDAG, 22 JANUARIE 2024 OM 17:30 : GRAAD R – 7**

Alle ouers (**slegs een ouer per gesin**) word vriendelik na die inligtingsaand wat in die saal om **17:30** begin, uitgenooi. U word vriendelik versoek om 'n spesiale poging aan te wend om die inligtingsvergadering by te woon. Nadat u die skoolhoofgesprek bygewoon het, sal u die geleentheid kry om u seun/dogter se klasonderwyser(es) te ontmoet. Belangrike uitdeelstukke sal tydens die klasvergadering aan ouers gegee word. Terwyl die vergadering aan die gang is, sal daar toesig vir u kind(ers) in die vierkant wees.

#### **VERLORE KLERE EN GOEDERE**

Al die verlore klere, kosblikke, bottels, tekkies, ens. sal tydens inligtingsaand op Maandag, 22 Januarie op die stoep langs die saal uitgestal word. Kom kyk asb. as iets van u kind verlore geraak het. Daarna sal die klere en goedere aan behoeftiges geskenk word.

## **2024 KLASINDELINGS**

Ek wil 'n ernstige beroep tot ons ouers rig om asseblief nie met versoeke te kom of die proses te probeer beïnvloed nie. Dit maak die taak vir ons onmoontlik. Die 2024 klasindeling is een van die belangrikste oefeninge waaraan ons baie aandag gee. Indien 'n ouer egter 'n versoek het, word dit slegs deur my hanteer.

## **BENODIGHEDELYSTE EN KALENDER 2024**

Die benodigdhedelyste vir 2024 vir graad R tot 7 sowel as die kalender van 2024 is op die D6, geplaas. Let wel dat datums en tye van aktiwiteite onderhewig aan verandering is.

## **OP- EN AFLAAI VAN LEERLINGE**

Dit is die begin van 'n nuwe jaar en ons wil u vriendelik versoek om by die padreëls te hou. Ons ontvang talle klagtes van ouers en inwoners dat ons ouers nie die padreëls gehoorsaam nie. Ons verneem dat ouers dubbel parkeer, teen die verkeer parkeer, voor die inwoners se opritte parkeer, ens. Ons vra u om asseblief die padreëls te gehoorsaam. Ons maak staat op u samewerking.

**Na skool moet leerlinge sou gou as moontlik by die skool en ook by die sportveld afgehaal word. Daar is nie toesig vir hulle om lank te wag nie.**

## **KOSPAKKIES**

Ons wil u vriendelik vra om vir u kind 'n goed gebalanseerde kospakkie skooltoe in te pak. Om werklik hul beste te gee moet die leerders goed eet. Ons vra u ook vriendelik om die kospakkies saam met die leerders te stuur en dit nie voor pouse by die sekretaresse af te lewer nie. Dit skep net probleme.

As 'n leerder verjaar en u wil koek of eetgoed vir die klas stuur, moet u asseblief eers die klasonderwyser kontak om reëlings te tref.

## **GEBRUIK VAN HOOFINGANG VAN SKOOL**

Die hoofingang is daar as u as ouer by die administratiewe blok van die skool wil wees of as u vir 'n saalbyeenkoms na die skool kom. Die leerlinge moet by die ander hekke van die skool af- en opgelaaai word, wanneer hulle skool toe kom of huis toe gaan.

## **OUERS IN SKOOLGANGE EN BUITE DIE GRAAD EEN KLASSE**

Ons rig 'n ernstige beroep tot ons ouers om asseblief nie tydens skoolure direk na die klasse te gaan nie. Behalwe dat dit professioneel nie korrek is nie, skep dit vir ons veiligheidsprobleme. Meld asseblief te alle tye by ontvangs aan en ons sekretaresse sal uit hul pad gaan om u te help.

Ons versoek ook ons graad 1-ouers om nie by die hoofhek in te kom en vir u kind voor die klasse te wag nie. Die gedruis van ouers wat vroeg kom, is steurend vir die klasse en trek die kinders se aandag af. Wag liewer buite die terrein by die hekke waar hulle sal uitkom. Dankie vir u begrip en samewerking.

## **HUISWERK**

Ons wil tog vir u vra dat u hierdie jaar somer van die begin af sal toesien dat die leerlinge gereeld hul huiswerk en ook somer gereeld hersiening sal doen. Elke kind **moet** 'n ordentlike huiswerkboekie (dagboek-tipe) hê en u moet asseblief gereeld uself vergewis of daar iets in staan. Daar is geen verskoning vir leerlinge wat nie huiswerk doen nie. Boeke wat by die huis vergeet word, word beskou as huiswerk wat nie gedoen is nie.

## **SNOEPIE-HULP**

Die snoepie maak staat op ouerhulp. Persone beskikbaar kan Christa Slabbert by 076 6873 699 skakel.

## SKOOL- EN KLEREWINKELTYE

Ons bevestig net dat die skool vanjaar weer **stiptelik om 07:45** begin en versoek u vriendelik om u kind betyds vir skool af te laai.

### SKOOLTYE

Graad R	07:45 – 13:00 (Ma – Do)
Graad 1 – 2	07:45 – 13:30 (Ma – Do)
Graad 3	07:45 – 14:00 (Ma – Do)
Graad 4 – 7	07:45 – 14:15 (Ma – Do)
Graad R – 7	07:45 – 12:45 ( <b>Vrydae</b> )

### KLEREWINKELTYE

Maandae	07:30 – 12:00
Woensdae	12:00 – 14:30
Vrydae	07:30 – 12:00

### SKOOLDRAG

Die leerlinge moet die korrekte somersdrag aantrek. Ons versoek u vriendelik om daarby te bly. Die dra van die skoolbaadjie is verpligtend tydens die saalbyeenkoms op Maandae. Die voorskrifte daarvoor verskyn onder die bronne-afdeling op die D6-skoolkommunikeerder. Dié van u wat nog nie die korrekte klere aangeskaf het nie, het dus nog volgende week kans om dit aan te koop.

U moet ook sorg dat u die korrekte LO-drag vir u kind het. Die leerlinge gaan wanneer hulle LO het, toegelaat word om sportklere skool toe aan te trek.

### SKOOLTASSE

Ons graad 1-leerlinge moet van die skool se voorgeskrewe tas gebruik maak. Ons het navrae in verband met die koop van nuwe skooltasse ontvang en wil bevestig dat **indien u vir u kind in graad 4 en hoër 'n nuwe skooltas in die toekoms wil aanskaf, maroen, swart en donkerblou die enigste kleur skooltasse is wat aanvaarbaar is. Die sportsakke mag slegs dié wees wat by die skool se klerewinkel aangeskaf kan word.**

### BEHEERLIGGAAMVERKIESING: DONDERDAG, 7 MAART 2024

Ons huidige beheerliggaam se termyn kom in Maart tot 'n einde. Ons bring dit solank onder u aandag dat die verkiesing van die nuwe beheerliggaam op **Donderdag, 7 Maart 2024** gaan plaasvind. Teken solank die datum van die belangrike verkiesing in u dagboeke aan. Die amptelike kennisgewing sal vroeg volgende jaar op D6 geplaas word.

***Volledige inligting rakende die verkiesingsprosedure sal u ook vroeg volgende jaar bereik!***

### LAERSKOOL NEWTONPARK FACEBOOKBLAD

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

## SKOOLGELDE 2024

SKOOLGELDE: GRAAD 1 tot 7			
	PER JAAR	10 MNDE	11 MNDE
Eerste kind	R19 000	R 1 900	R 1 730
Tweede kind	R17 300	R 1 730	R 1 575
Derde kind	R 12 030	R 1 203	R 1 095
GRAAD R: MAANDELIKS VOORUITBETAALBAAR			
	R19 000	R 1 900	R 1 730
NASORG: VRYWILLIGE PROGRAM – KWARTAALLIKS VOORUITBETAALBAAR			
	PER JAAR	PER KWARTAAL	
13:00/13:30 – 14:15	R 6 260	R 1 565	
13:00/13:30 – 17:30	R 10 800	R 2 700	
14:00/14:15 – 17:30	R 9 220	R 2 305	
MUSIEK: MAANDELIKS VOORUITBETAALBAAR			
Periodes per week	Per Maand 10 mnde	Tweede kind in familie	
1	R255	R210	
2	R390	R330	
3	R560	R500	

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2024. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor **'n kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

**Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

### KRY KORTING OP SKOOLGELDE

Indien skoolgelde (Gr R – 7) ten volle betaal word voor/op 28 Februarie 2024 sal 'n 10% korting toegestaan word, en indien ten volle betaal word voor/op 31 Mei 2024 'n 5% korting.

### ELEKTRONIESE BETALINGS

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan [fin@lnpark.co.za](mailto:fin@lnpark.co.za) stuur.

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

## GEDAGTE VIR DIE WEEK

Ken Hom in al jou  
weë, dan sal Hý jou  
paaie gelykmaak.

SPREUKE 3:6

@JOHANDRE  
POTGIETER



SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 0846935318

## ALGEMEEN

### BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- |                  |   |   |
|------------------|---|---|
| Sa – 20 Januarie | : | <b>*Mnr. JJ Pienaar verjaar</b><br><b>*Juf. Fredericks verjaar</b>  |
| Ma – 22 Januarie | : | Klerewinkel <b>07:30 tot 12:00</b><br>Dance Kids-demonstrasie : <b>09:30 – graad R en 1</b><br><b>INLIGTINGSAAND : 17:30 (Skoolsaal)</b>                          |
| Di – 23 Januarie | : | Nasorgvergadering <b>17:30 (Skoolsaal)</b><br><b>Sport begin : Somerrooster</b>   |
| Wo – 24 Januarie | : | Klerewinkel : <b>12:00 tot 14:30</b><br>Kinderkinetika-demonstasie : <b>graad R om 10:00 en graad 1 om 11:00</b><br>Tennis teen Jeffreysbaai ( <b>Seuns</b> )     |
| Do – 25 Januarie | : | <b>*Mnr. Llewellyn Westraadt verjaar</b><br>Netball Divas en Mighty Kings-demonstrasie : <b>graad R om 11:00 ; graad 1 om 12:00</b><br><b>en graad 2 om 13:00</b> |
| Vr – 26 Januarie | : | Klerewinkel <b>07:30 tot 12:00</b>  |
| Sa – 27 Januarie | : | <b>Graad R- en 1-Familiebraai</b>   |

# SPORT EN KULTUUR

## OOS-KAAP KINDERKOOR 2024

Daniël Bester in graad 2D en Emma Bester in graad 4D was suksesvol in hul oudisie vir die Oos-Kaapse Junior Kinderkoor en sal in 2024 deel wees van die koor. Baie geluk!

## GHOLF

Lihan Fourie in graad 3G het gedurende die Desember- en Januarie- maande aan 3 kompetisies deelgeneem. Op 14 Desember, sowel as 8 Januarie het hy 'n eerste plek behaal en in die 3de kompetisie het hy 'n 2de plek behaal. Hartlik geluk, Lihan!

